



REPUBLIKA E SHQIPËRISË  
BASHKIA SHIJAK



Nr. 3911 .Prot

**KONTRATË PUNË CIVILE**  
**RIKUALIFIKIM I SHESHIT TEK LAGJA LUGINA**

Në Shijak, sot më datë 16 / 09 / 2016, lidhet kjo kontratë ndërmjet:

***PALËVE KONTRAKTUESE:***

**AUTORITETI KONTRAKTOR:**

**BASHKIA SHIJAK**, përfaqësuar nga Kryetari, Z. Ardian Kokomani .  
Adresa: Lagja "Erzen" Shijak  
Tel/fax: 057122152  
NIPT: K 51703504 A

**KONTRAKTORI**

**A.L-ASFALT sh.p.k** përfaqësuar nga Administratori Z. Luan Mema  
Adresa: Pranë kryqëzimit 4 Rrugët, Xhafzotaj  
Tel/fax: 0684018777  
NIPT : K 81511508 A  
Licence: NZ. 5830/9 datë 08.10.2015

Palët bien dakort për sa më poshtë:

***NENI 1***  
***OBJEKTI I KONTRATËS***


**1.1** - Objekti i kësaj kontrate është "Rikualifikimi i sheshit tek lagja Lugina" sipas preventivit bashkëlidhur.

***NENI 2***  
***DOKUMENTATE KONTRATËS***

**2.1** - Dokumentat e mëposhtme do të përbëjnë kontratën midis *Autoritetit Kontraktor* dhe *Kontraktorit*, secili dokument do të konsiderohet si pjesë integrale e kontratës:

- Formulari i sigurimit të kontratës, në shumën 10% e vlerës së ofertës.
- Oferta ekonomike, Preventivi , Grafiku i Punimeve dhe Specifikimet Teknike të paraqitura nga *Kontraktori* dhe të pranuara nga *Autoriteti Kontraktor*.

BASHKIA SHIJAK





**2.2** - Fjalët dhe shprehjet në këtë kontratë do të kenë të njëjtin kuptim ashtu siç përcaktohen në KPK dhe KVK.

**2.3** - Dokumentat e lartëpërmendura në perfundim të kontratës mbeten pronë e *Autoritetit Kontraktor*.

### **NENI 3 ÇMIMI I KONTRATËS**

**3.1** - Çmimi i kontratës është çmimi i ofruar në ofertën e *Kontraktorit* dhe i pranuar nga *Autoriteti Kontraktor*, me vlerë të përgjithshme prej **20.911.140** ( njëzetëmillionë e nentëqind e njëmbëdhjetë e njëqind e dyzetë ) lekësh pa **TVSH** ose **25.093.368** ( njëzetë e pesëmillionë e nentëdhjetë e tremijë e treqind e gjashtëdhjetë e tetë ) lekësh me **TVSH**.

### **NENI 4 KOHEZGJATJA E KONTRATËS**

**4.1** - Kjo kontratë do të realizohet brenda 55 ( pesëdhjetë e pesë) ditëve nga dita e nënshkrimit të saj nga palët në përputhje me grafikun e hartuar .

**4.2** - Për çdo ndryshim në grafik *Kontraktori* duhet të njoftojë me shkrim *Autoritetin Kontraktor*.

### **NENI 5 MËNYRA DHE AFATET E PAGESËS**

**5.1** - Pagesa duhet të kryhet brenda 30 ditëve nga marja në dorëzim e objektit, nga grupei i eksperteve i ngritur për marjen në dorëzim të punës së kryer, objekt kontrate.

**5.2** - Pagesa do të kryhet me urdhër shpenzimi në llogarinë e *Kontraktorit* (*sipas kontratës së bashkëpunimit dhe prokurës së posaçme*) kundrejt paraqitjes zyrtare të faturës tativore të shitjes .

**5.3** - Data e pagesës do të jetë dita që fondet xhirohen nga llogaria e *Autoritetit Kontraktor*.

**5.4** - Pagesat bëhen në monedhën shqiptare.

**5.5** - *Kontraktori* është i detyruar të paguajë vetë të gjitha taksat në bazë të ligjeve në fuqi në momentin e nënshkrimit të kontratës.





## **NENI 6 SIGURIMI I KONTRATËS**

**6.1** - Brenda 10 ditëve nga marrja e njoftimit për fitimin e kontratës, *Kontraktori* duhet t'i dorëzojë *Autoritetit Kontraktor* sigurimin e kontratës. në vlerën 10% e vlerës së ofertës, në formën e policës së sigurimit.

**6.2** - Dështimi për të dhënë brenda 10 ditëve , sigurimin e kontratës në formën dhe në shumën e kërkuar do të rezultojë në annullimin e kontratës dhe sekuestrimin e sigurimit të ofertës së *Kontraktorit*.

**6.3** - Shuma e sigurimit të kontratës duhet t'i paguhet *Autoritetit Kontraktor* si kompensim për çdo humbje të rezultuar nga dështimi i *Kontraktorit* në plotësimin e detyrimeve të tij sipas kontratës.

**6.4** - Sigurimi i kontratës do t'i kthehet *Kontraktorit* jo më vonë se 30 ditë pas datës së marrjes në dorëzim të punimeve.

## **NENI 7 GARANCIA E DEFEKTEVE**

**7.1** - Periudha e garancisë së defekteve është 1 vit nga përfundimi i punimeve.

**7.2** - 5 % (pesë përqind) e vlerës së sigurimit të kontratës do të mbahet si garanci për efekt cilësie (defektesh) të punimeve për një periudhë 1 vjeçare dhe do t'i kthehet *Kontraktorit* në përfundim të periudhës së garancisë.

## **NENI 8 KONTRAKTORI QE KRYEN PUNIMET E NDËRTIMIT**

**8.1** - Kontraktori duhet të fillojë zbatimin e kontratës menjëherë pas nënshkrimit të saj dhe të përfundojë punimet brenda afatit të mbarimit në përpjekje me grafikun e punimeve dhe specifikimet teknike .

## **NENI 9 NGRITJA E KANTIERIT DHE SIGURIMI TEKNIK**

**9.1** - *Kontraktori* mban përgjegjësi për ngritjen e kantierit të ndërtimit, sistemimin dhe rregullimin e vendit të punës duke paraqitur të gjitha planet për ngritjen e kantierit tek drejtuesi i punimeve për shqyrtim dhe miratim.

**9.2** - *Kontraktori* do të mbajë përgjegjësi për sigurinë e të gjitha aktivitetave në kantier.



**NENI 10**  
**TESTIMET DHE INSPEKTIMET**

**10.1 - Kontraktori** mban përgjegjësi për zbatimin e kontratës me cilësi dhe në afat. Ai duhet të bëjë të gjitha testet dhe inspektimet e kërkuara konform specifikimeve teknike dhe kushteve të kërkuara për zbatimin e kontratës.

**NENI 11**  
**RAPORTIMI I GRAFIKUT TË ZBATIMIT**

**11.1-** Drejtuesi i punimeve ka të drejtë të vendosë për çështjet e kontratës midis *Autoritetit Kontraktor* dhe *Kontraktorit*.

**11.2-** Me lidhjen e kontratës *Kontraktori* duhet ti paraqesë drejtuesit të punimeve një program plani për aktivitetet e punimeve që do të kryhen në kantier.

**NENI 12**  
**PARALAJMËRIMI NË KOHË**

**12.1 - Kontraktori** duhet të lajmërojë në kohë drejtuesin e punimeve për ngjarje e rrethana specifike që mund të ndodhin apo që mund të ndikojnë negativisht në zbatimin e kontratës duke përfshire cilësinë e punës dhe vonesën në afate.

**NENI 13**  
**KONTROLLI I CILËSISË**

**13.1 - Kontraktori** është plotësisht përgjegjës për kontrollin e cilësisë në zbatimin e kontratës.

**13.2 - Kontraktori** me lidhjen e kontratës duhet ti paraqesë drejtuesit të punimeve një plan kontrolli të cilësisë.

**13.3 - Drejtuesi i punimeve** duhet të kontrolloje *Kontraktorin* dhe të njoftojë atë për defektet e konstatuara. Me marjen e njoftimit me shkrim *Kontraktori* është i detyruar ti korrigojë defektet brenda afatit të parashikuar nga drejtuesi i punimeve.

**13.4 - Nëse** defektet nuk korigohen nga *Kontraktori* brenda afatit të parashikuar në njoftim, drejtuesi do të llogarisë koston e korrigjimit dhe kjo shumë do të mbahet nga pagesa e bërë për dhe në emër të *Kontraktorit*.

**13.5 - Dështimi** për të korriguar defektin brenda një afati të arsyeshëm përbën shkak për zgjidhje kontrate për arsyen mospërbushje në favor të *Autoritetit Kontraktor*.



### NENI 14

#### PËRGJEGJËSITË E AUTORITETIT KONTRAKTOR

**14.1** - Autoriteti Kontraktor është përgjegjës nga afati i fillimit deri në afatin e realizimit të plotë të kontratës për:

- vdekje, dëmtim personal, humbje apo dëmtim të pasurisë për shkak të neglizhencës ose ndërhyrjes , qoftë edhe e ligjshme nga ai vet ose nga çdo person i punësuar/ kontraktuar prej tij, perveç Kontraktorit.

- dëmtim të punimeve , materialeve apo pajisjeve deri në atë masë që lidhet me fajin e Autoritetit Kontraktor.

### NENI 15

#### PËRGJEGJËSITË E KONTRAKTORIT

**15.1** - Nga afati i fillimit deri në afatin e realizimit, Kontraktori do të jetë përgjegjës për demtim personal, vdekje ose humbje apo dëmtim të pasurisë, dhe pasuri të tjera dhe që nuk mbulohen nga Autoriteti Kontraktor sipas Nenit 18 të kësaj kontrate.

### NENI 16

#### GARANCITË

**16.1** - Kontraktori duhet të garantojë se materialet e trupëzuara janë të reja, të papërdorura, të modeleve të fundit.

**16.2** - Kontraktori garanton se materialet nuk kanë defekte të shkaktuara nga ndonje veprim ose mos veprim i këtij të fundit apo të shkaktuara nga kryerja e punimeve në kushte normale përdorimi.

### NENI 17

#### VONESA NË ZBATIM DHE ZGJATJA E AFATIT.

**17.1** - Me nënshkrimin e kësaj kontrate Kontraktori duhet të fillojë menjëherë zbatimin e saj.

**17.2** - Me përjashtim të rasteve kur Autoriteti Kontraktor është dakort për zgjatjen e afateve të kontratës , ka të drejtë të kërkojë dëmet për vonesën në zbatim, nëse Kontraktori dështon në dorëzimin e objektit brenda afatit të specifikuar në kontratë.

**17.3** - Autoriteti Kontraktor mund të zbresë shumën e dëmeve të likuidueshme që duhen paguar nga shuma e pagesës ndaj kontraktorit. Në rast të tillë Autoriteti Kontraktor duhet t'i japi kontraktorit njoftim me shkrim për shumën dhe arsyen e zbritjes.





**17.4** - Dëmet e likuidueshme për vonesën në mbarimin e punimeve do të llogariten me tarifat e mëposhtme ditore:

- Për kontratat me periudhë zbatimi jo më shumë se 6 muaj, tarifa ditore do të jetë 4/1000 të vlerës koresponduese të mbetur pa u zbatuar nga cmimi total i kontratës por kjo vlerë do të llogaritet minimalisht mbi 25% të vlerës së kontratës.

### **NENI 18 NDRYSHIMI I POROSISË**

**18.1** - Kushtet e kontratës mund të jenë subjekt rinegocimi dhe amendimi pas hyrjes në fuqi të kontratës. Çdo amendament i kontratës duhet të bëhet me shkrim dhe firmosur nga Autoriteti Kontraktor dhe kontraktori.

**18.2** - Ndërtime shtesë mund të porositen vetëm në rethana të përcaktuar në LPP dhe me kusht që shtesa e kontratës të mos i kalojë 20% të çmimit origjinal të kontratës.

**18.3** - Autoriteti Kontraktor në çdo kohë, mund të porosisë kontraktorin të bëjë ndryshime brenda qëllimit të përgjithshëm të kontratës në secilin nga elementët e më poshtëm:

- a) Korrigjime në projektin, vizatimin ose specifikimet e Punëve
- b) Korrigjime në materiale
- c) Korrigjime në sasi

**18.4** - Përpara se të kërkojë një ndryshim, Autoriteti Kontraktor dhe kontraktori duhet të bien dakort për çdo rritje ose ulje të çmimit të kontratës dhe/ose ndryshim në grafikun e zbatimit ose përfundimit që është shkaktuar nga ndryshimi. Porosia e ndryshuar duhet të materializojë amendamentet e marrveshjes. Autoriteti Kontraktor nuk ka të drejtë të nxjerrë pretendime për pajtimin me ndryshimin e porositur përveç rregullimeve të siguruara në amendamentet e marrëveshjes.

### **NENI 19 FORCAT MADHORE**

**19.1** - Kontraktori nuk mban përgjegjësi nëse dështimi në përbushjen e detyrimeve te kontratës ose vonesat për zbatim e saj vijnë si pasojë e ngjarjeve të forcës madhore.

**19.2** - Nëse ndodh një situatë e forcës madhore , Kontraktori duhet të njoftojë menjeëherë Autoritetin Kontraktor. Kontraktori duhet të vazhdojë të zbatojë detyrimet e tij sipas kontratës në masën praktikisht të arsyeshme dhe duhet të kërkojë të gjitha mjetet e arsyeshme për zbatimin që nuk pengohet nga Forca Madhore.



## **NENI 20 NDËRPRERJA E KONTRATËS**

**20.1 -** Autoriteti Kontraktor mund të ndërpresë kontratën kur Kontraktori ndërpret punën për 10 ditë nëse kjo nuk është e parashikuar ose e autorizuar nga drejtuesi i punimeve.

**20.2 -** Autoriteti Kontraktor mund të ndërpresë kontratën në tërësi ose pjesërisht nëse, Kontraktori dështon pa shkaqe të arsyeshme në kryerjen e punëve brenda periudhës së specifikuar në kontratë apo brenda zgjatjes së dhënë ose dështon të zbatojë ndonjë detyrim tjeter të kontratës.

Në këtë rast Autoriteti Kontraktor duhet t'i japë Kontraktorit njoftim me shkrim për ndërprerjen për mosplotësim si dhe t'i japë atij 15 ditë kohë të ndreqë mplotësimin, me përjashtim të rasteve kur ndërprerja është bërë për veprime korruptive ose të paligjshme.

**20.3 -** Autoriteti Kontraktor mund të ndërpresë kontratën në çdo kohë në se Kontraktori falimenton ose bëhet i paftë të paguajë. Në këtë rast Autoriteti Kontraktor duhet ti japë Kontraktorit njoftim me shkrim për ndërprejen.

**20.4 -** Autoriteti Kontraktor mund të ndërpresë kontratën në çdo kohë nëse gjykon se ky veprim duhet ndërmarrë për shkak të interesit publik.

Në këtë rast Autoriteti Kontraktor duhet të lajmërojë me shkrim Kontraktorin për ndërprerjen dhe duhet t'i paguajë atij (Kontraktorit) të gjitha punimet e kryera përpara ndërprerjes së kontratës si dhe do t'i kërkojë të ndërmarrë veprimet e nevojshme për të minimizuar dëmet.

**20.5 -** Autoriteti Kontraktor mund të ndërpresë kontratën nëse Kontraktori dështon për të korrigjuar defektin brenda një afati te arsyeshem nga dita e njofimit të drejtuesit të punimeve.

## **NENI 21 KOMUNIKIMI**

**21.1 -** Komunikimi midis palëve duhet të bëhet vetëm me shkrim.

**21.2 -** Njoftimi është efektiv vetëm pasi t'i dorëzohet palës tjeter.

## **NENI 22 LLOGARITJA E AFATEVE**

**22.1 -** Të gjitha referencat e ditëve do të janë ditë kalendarike me përjashtim të rasteve kur parashikohet ndryshe.





**NENI 23**  
**BAZA LIGJORE**

**23.1** - Kjo kontrate është hartuar në bazë të Kodit Civil të Republikës së Shqipërisë, Ligjit nr. 9643, datë 20.11.2006 "Për prokurimin publik" i ndryshuar, VKM nr. 914 datë 29.12.2014 "Për miratimin e rregullave të prokurimit publik" dhe Dokumenteve Standarte te Tenderit te miratuar nga APP .

**23.2** - Për çdo mungesë parashikimi në këtë kontratë, palët do ti referohen KPK dhe KVK, që janë pjesë e Dokumentave Standarte të Tenderit.

**NENI 24**  
**ZGJIDHJA E MOSMARRËVESHJEVE.**

**24.1**- Palët nënshkruese të kontratës duhet të bëjnë përpjekje që mosmarrëveshjet ti zgjidhin me mirekuptim ndërmjet tyre, në të kundërt për zgjidhjen e mosmarrëveshjeve , palët do ti drejtohen gjykatës së Rrethit Gjyqësor Durrës.

**NENI 25**  
**VLEFSHMËRIA E KONTRATËS**

**25.1**- Kjo kontratë do të quhet e vlefshme duke filluar nga dita e nënshkrimit nga palët .

**25.2** - Kontrata përpilohet në 5 (pesë) kopje , me vlerë dhe përbajtje të njëjtë juridike, nga të cilat 4 (katër) kopje i mban *Autoriteti Kontraktor* dhe 1 (një) kopje e mban *Kontraktori*.

**PALËT KONTRAKTUESE:**

**AUTORITETI KONTRAKTOR**  
**BASHKIA SHIJAK**  
**KRYETARI**

**ARDIAN KOKOMANI**

BASHKIA SHIJAK

8

**KONTRAKTORI**  
**A.L -ASFALT sh.p.k**  
**PËRFAQËSUESI LIGJOR**

**LUAN MEMA**

A.L-ASFALT shpk